

Sakspapir

Saksnr	Utvalg	Type	Dato
050/19	Kommunestyret	PS	12.09.2019

Saksbehandler	Arkiv	ArkivsakID
Ketil Tjore	FE-082	19/621

Folkevalde sine arbeidsvilkår - stadfesting av etablert praksis

Vedlegg

Frå politikarportalen - Folkevalde sine arbeidsvilkår og godtgjersle - fil frå 2008

KS-sak 139-12 frå 19.12.2012 - Endring av folkevalde sine arbeidsvilkår

KS-sak 160-14 frå 17.12.2014 - Folkevalde sine arbeidsvilkår

KS-sak 160-14 frå 17.12.2014 - Vedlegg - Folkevalde sine arbeidsvilkår

Reglementet frå 2004 - Folkevalde sine arbeidsvilkår

Framlegg til vedtak:

Kommunestyret stadfestar at godtgjering til ordførar skal vera lik godtgjering til stortingsrepresentant. Årleg justering skjer frå same dato som for stortingsrepresentant, med skjæringsdato 1. mai. Dette er praksis i dag, og er lagt inn i framlegget til «Folkevalde sine arbeidsvilkår», som lagt fram for kommunestyret 17. desember 2014. Administrasjonen får mynde til å oppdatera reglementet frå 2004 med andre endringar som kommunestyret har vedteke tidlegare, som til dømes godtgjering til medlemmer i stemmestyr.

Kommunestyret stadfestar at godtgjering til ordførar skal vera lik godtgjering til stortingsrepresentant. Årleg justering skjer frå same dato som for stortingsrepresentant, med skjæringsdato 1. mai. Dette er praksis i dag, og er lagt inn i framlegget til «Folkevalde sine arbeidsvilkår», som lagt fram for kommunestyret 17. desember 2014. Administrasjonen får mynde til å oppdatera reglementet frå 2004 med andre endringar som kommunestyret har vedteke tidlegare, som til dømes godtgjering til medlemmer i stemmestyr. Godtgjering til kommunestyret skal justerast samstundes med justering av ordførarløn. Til vervet som ordførar ligg det eit særskilt ansvar for arbeidet med næringsutvikling.

Kommunestyret - 050/19 - 12.09.2019

KS - behandling:

Liv Ulvøy (V) sa at ein del av møtegodtgjeringane, til kommunestyret og andre, har lagt fast i mange år. Kanskje burde ein lagt til noko i vedtaket om at godtgjeringa til kommunestyret bør

indeksregulerast.

Konstituert rådmann Olav Mongstad sa at ein del av godtgjeringane i reglementet vert regulerte etter løna til ordføraren.

Per Lerøy (Ap) sa at godtgjeringa til kommunestyret bør kostnadsregulerast mot konsumprisindeksen, med første justering frå 1. mai 2019, og gjeldande frå neste møte for kommunestyret.

Liv Ulvøy kom med framlegg til tillegg i vedtaket, ei presisering om at: "Godtgjering til kommunestyret skal justerast samstundes med justering av ordførarløn".

Jorund Stellberg (Uavhengig) spurte om det er lagt spesielle bindingar til vervet som ordførar knytt til det å vera næringssjef.

Rådmann Liv Løvvik svara at det er ganske vanleg at ordførar tek særskilt ansvar for næringspolitikken, og at det gjerne vert litt meir tyngande her som kommunen ikkje har eigen næringssjef.

Konstituert rådmann Olav Mongstad sa at då Austrheim gjekk opp i 100 prosent stilling for ordførar så var det knytt til at ordførar skulle vera næringssjef. Utad er det nok tydeleg at ordførar er næringssjef, utan at det er gjort noko meir formelt vedtak enn frå 80-talet.

Jorund Stellberg (Uavhengig) kom med framlegg til tillegg i vedtaket, med ei presisering om at "til vervet som ordførar ligg det eit særskilt ansvar for arbeidet med næringsutvikling".

Rådmann Liv Løvvik sa at ein kjem tilbake til kommunestyret med reglementet når desse presiseringane er lagt inn.

Handsaming i kommunestyret:

Sams for rådmannens framlegg, med dei to tilleggga framsett i kommunestyret.

KS - vedtak:

Kommunestyret stadfestar at godtgjering til ordførar skal vera lik godtgjering til stortingsrepresentant. Årleg justering skjer frå same dato som for stortingsrepresentant, med skjæringsdato 1. mai. Dette er praksis i dag, og er lagt inn i framlegget til «Folkevalde sine arbeidsvilkår», som lagt fram for kommunestyret 17. desember 2014.

Administrasjonen får mynde til å oppdatera reglementet frå 2004 med andre endringar som kommunestyret har vedteke tidlegare, som til dømes godtgjering til medlemmer i stemmestyr.

Godtgjering til kommunestyret skal justerast samstundes med justering av ordførarløn.

Til vervet som ordførar ligg det eit særskilt ansvar for arbeidet med næringsutvikling.

Saksopplysninger:

Bakgrunn

Kommunestyret i Austrheim vedtok 21. september 2004 eit reglement som heiter «Folkevalde sine arbeidsvilkår». Her er det mellom anna sett opp kva godtgjering som representane skal ha for verv og møte, og felles for mange satsar er at dei tek utgangspunkt i godtgjeringa for ordførar.

Det er i ettertid gjort nokre endringar i reglementet, mellom anna vart det i eit kommunestyrevedtak frå 19.12.2012 lagt til at stemmestyra skal ha godtgjering. Den kanskje viktigaste endringa som er gjort sidan 2004, er å fristilla godtgjeringa til ordførar frå løna til rådmannen. Ordførar si godtgjering er no knytt til godtgjering til stortingsrepresentantane, med årleg justering frå same dato som for stortingsrepresentantane. Denne endringa vart lagt fram for kommunestyret 17.12.2014, men dette vart då oversendt gruppeleiarforumet for vidare handsaming.

Økonomikontoret har sjekka, og konkludert med at jamstillinga mellom godtgjering til ordførar og den til stortingsrepresentant vart sett i verk frå 2007/2008.

Vurdering

Økonomi

I denne saka handlar det om å stadfesta ein allereie etablert praksis. Godtgjering til ordførar er per i dag lågare enn løna for rådmannen, slik at at ei handheving av reglementet frå 2004 ville betydd høgare utgifter for kommunen. Då ville både godtgjeringa til ordførar gått opp, og tilsvarande alle godtgjeringar som er knytt til dette beløpet.

Konklusjon

Kommunestyret gjer vedtak som stadfestar den praksisen ein har hatt i over ti år, og gjev samstundes administrasjonen mynde til å redigera inn dei endringar som er gjort av kommunestyret tidlegare.